

**S**tatuta quedam primaria, & aliquot insuper Ordinationes per Dom. Procancellarium, Præfectos, & (in eorum absentia) Præsides Collegiorum constituta: ac deinde in Domo Regentium & non Regentium promulgata, vnanimique eorum consensu in Statutorum numerum ascripta: Ad ACADEMIÆ Honorem, Salutem, & Disciplinam in perpetuum conservandam.

#### De morum modestia.



**S**CHOLARES Omnes omnibus in locis modestiam suo ordini convenientem observent; præsertim in plateis, in concionibus, & quibuscumque congressibus publicis. Inferiores ordines superioribus ubique loco cedant, & eosdem debitam reverentiam prosequantur: Hujus rei violatores (si non fuerint adulti) virgâ à suis coerceantur; si adulti, primò asperè verbis castigentur; secundò hebdomada; tertio menstruo com meatu; quarto, è Collegio ejiciantur.

Nemo in pupillari statu degens, nisi vni ejusdem Collegij ordinis & conditionis sodali associatus, concessâque prius à Tutore, vel Decano, vel Collegij Præfecto veniâ, in Oppidum exeat: Si secus quis exierit, multam arbitrio Procancellarij, aut Præpositi Collegij, aut ejus absentia, Præfidis ejusdem Collegij cuius est, infligendam incurrat. Sizatores tantum, cum licentia Tutorum in eorum negotijs peragendis exeuntes, non astringantur huic Statuto.

Nemo cuiuscumque Gradus aut Ordinis fuerit (publicos privatorumque magistratus excipimus, in executione suorum officiorum occupatos) forum frequentet, vel diutius in aliqua Oppidi platea moretur: aut tabernas, cauponas, vel diversoria ad comessandum aut bibendum accedat, (nisi ad amicos vel Parentes, tanquam hospites adventantes, ad Oppidum accessit fuerit) sub pœna expulsionis post secundam admonitionem.

Nullus Scholaris cuiuscumque Gradus aut Ordinis fuerit, in Conventibus, quos Affizas aut Sessiones vocant, Iudice pro tribunali sedente, in illum cœtum se ingerat; nisi causâ significatâ, & petitâ prius veniâ à Procancellario. Qui secus fecerit, multetur viginti solidis.

Nullus Scholaris cuiuscumque Gradus fuerit, interfit electionibus eorum militum, qui ad majora Regni comitia per Comitatum assignandi sunt. Nullus Scholaris præsens sit in militum lustrationibus, five in Oppido, five juxta Oppidum, seu quocumque loco alio in Comitatu fiant; nisi causâ approbatâ per Dom. Procancellarium, sub multa superius prædicta.

#### De vestitu Scholarium.

**N**emo Scholarium galero utatur, aut in Collegio, aut extra Collegium; nisi ægrotaverit, aut sit Nobilis alicujus Filius, aut Militis primogenitus. Socij cuiuscumque Collegij & Graduati, qui non sunt Socij, dum moram traxerint in Academia, superiori pileo scholastico, & quadrato (nisi ægrotaverint) utantur, tam in Collegio, quàm extra Collegium.

Nemo ad aliquem in Vniversitate Gradum evectus, nisi togâ talari, capucioque ordini suo congruente, aut ad minimum insigni circa collum sacerdotali indutus, Collegio exeat.

Nemo disputationi publicæ, concioni ad Clerum, precibus in Ecclesia Beatæ Mariæ publicis, sepulturis, aut congregationibus interfit, sine toga, habitu, & capucio gradui suo conveniente, juxta antiquum Academiae morem. Contra delinquentes in aliquibus, aut aliquot prædictorum, multa imponitur ex Statuto sex solidorum, & octo denariorum.

#### De Lectionibus & Disputationibus tam Publicis quàm Privatis.

**P**ublici in Vniversitate Lectores publicè in Scholis diligenter legant, quatuor diebus in septimanâ, horis solitis, sub pœna pecuniariâ per Statuta Academia impositâ.

Nullus Scholaris, five Collegiorum, five suis alatur sumptibus, ullam publicam lectionem ejus professionis cui destinatur, omittat, sub pœnis pro prima, secunda & tertiâ vice, absentibus, secundum Statuta infligendis.

Monitores constituentur à Decanis, per Collegia: singuli pro singulis Scholis artium, qui auditorum absentiam observent. Absentes multentur secundum Statuta Vniversitatis. Lectiones & Disputationes in singulis Collegijs privatim observentur, secundum peculiaria cuiusque Collegij Statuta, sub multa ipsidem Statutis ordinatâ. Disputationes publicæ perficiantur secundum Academia instituta; & omittæ secundum eadem puniantur.

#### Decretum de Comestationibus Candidatorum auferendis. Novemb. 21. 1625.

**C**VM, pessimo more, Candidati post disputationes in Scholis, privatas, & majoribus nostris penitus ignotas, invitationes induxerint; ad grandem Academia infamiam, & gravissimas expensas, & damnum eorum qui summo labore suo & curâ studiosos alunt. Ad querelam hanc adversus Academia disciplinam auferendam, per Dominum Procancellarium, & Præfectos Collegiorum sic decretum est: Vt omnes Inceptores & Quæstionistæ deinceps futuri, ab omnibus ejusmodi invitationibus, comestationibus, & conventibus abstineant; nominatim ne Moderatores aut Disputantes audeant, vel invitare, vel hujusmodi invitationes cuiuscumque rogatu acceptare, aut comestationibus ejusmodi interesse. Quòd si qui in isto genere delinquant, ut habeantur infames propter luxuriam & intemperantiam; & ab eo gradu quem habent suspensionem incurrant, atque infra annum illum in quo deliquerint, nullam gratiam ulteriolem neque gradum in Academia obtineant.

#### Decretum de personis vagis & sceminis amovendis à Collegijs. Decemb. 19. 1625.

**C**VM contra antiqua Academia & Collegiorum instituta, paucis ab hinc annis, intra Collegiorum parietes, pueri & viri literarum rudes, & penitus inepti, qui progressum aliquem in studijs Academicis faciunt; & sceminæ præterea irrepsissent, ad ea opera facienda, quæ à studiosis egenis ad eorum impensas sustentandas fieri solebant: vnde & pauperibus scholaribus grave damnum, & Vniversitati scandalum domi; foris opprobrium accreverunt: Ad occurrendum hisce malis, per Dom. Procancellarium & Præfectos Collegiorum, sic decretum est.

NVLLE deinceps pueri aut viri hujusmodi, literarum ignari, permittantur, aut in Collegio aliquo residere, aut circumvagari, aut quocumque modo aut prætextu sese ad hujusmodi servitia perficienda intrudere; nisi fuerint aut Collegij ipsius ministri, aut peculiaris alicujus servi, qui dominorum suorum tantum negotia expédiant.

Nulla deinceps mulier cuiuscumque ætatis aut conditionis, aut per se audeat, aut vocata ab alijs, permittatur in quocumque Collegio, in privatis cubiculis, quorumcumque lectos sternere; aut ad aulam, culinam, aut promptuarium accedere, ut cuiuscumque comestum, aut panem, aut porum infra Collegij limites ad cubiculum alicujus scholaris deferat; nisi vocata fuerit ad custodiam infirmi alicujus ægrotantis.

Ægrotantium Custodes, & Lotrices omnes sint provectæ ætatis, bonæ famæ, & vxores, aut viduæ, quæ per se linthea Scholarium lavanda recipiant, & lota referant; nulloque prætextu permittantur ancillæ adolescentes, ad studiosorum cubacula accedere. Si ad sordes effendas sceminas admitti fuerit necesse, Collegiorum tantum elemosynarum, aut vetulæ 50. ad minimum annorum ad hæc opera permittantur.

Si quæ mulieres alia, aut aliter quàm decretum est, Collegia frequentaverint; admonentur desistere, & prohibeantur per Præfectos, Præsides, aut Decanos Collegiorum. Quòd si prohibita non desistant ab ingressu Collegiorum; ad Dom. Procancellarium deferantur; ubi, si contumaciæ convictæ fuerint, tanquam incorrigibiles ab Vniversitate, & Villa, & ab omnibus Villis, infra quatuor milliaria ab eadem distantibus banniantur, secundum Chartam Academia concessam per Regem HENRICVM VI. Si qui studiosi in Collegijs, pueros, viros, aut sceminas hoc Decreto prohibitas, ad cubacula sua accessant aut recipiant; singuli Collegiorum Præfecti, aut eorum absentia, Præsides, contra delinquentes secundum Collegiorum suorum Statuta procedant: si per privata Collegiorum Statuta satis provisum non sit, convocatis ijs (quorum interest prospicere ne quid detrimenti Collegia capiant) Ordinationes hujusmodi inter se maturo consilio faciant, quæ ad honorem Academia tuendum, ad Collegiorum famam & innocentiam conservandam, maxime utiles & idoneæ videri possint.

148

19-202

1625

Same as 13.106

Pl. H. H. Green  
at 10.10.10